

Lou sabourdage de la floto à Touloun

L'amirau Jorge Martin nous pourgiguè l'an passa, noumbre d'article sus li marin prouvençau. Aquest nous presènto lou sabourdage de la floto à Touloun coume lou faguè à l'Universita pèr tóuti de l'est-varés à Frèju. Es lou temouinage de quaucun que visquè dóu dedins lou triste evenimen. Lou gramacian de nous permetre de revira lou tèste au prouvençau pèr lou publica. (P. Berengier)

Perqué tourna sus aquesto dramatico journado, qu'en quàuquis ouro, 80% de la floto franceso fuguè prefoundado: 3 cuirassa, 7 crousaire, 15 contro-tourpihaire, 13 tourpihaire e bèn mai; au toutau 200.000 tonno?

Perqué? Proumié pèr ço qu'ère à Touloun aquéu jour-d'aqui, à l'Escolo Navalo, au Fort Lamalgue e que garde memòri d'aquelo pountannado que debutè lou 8 de novèmbre 1942, jour dóu desbarcamen en Africo dóu Nord dis Anglo-American (ço que diguèron l'óuperacioun Torch) d'image e de paraulo que s'escafan pas jamai.